

quam panderet dum viveret sub obedientia sibi precepit et mulieri petenti ad votum satisfieri sibi dixit.

Andr. Strum.

§ 40

22. Dum quoddam tempore caristia maxima provinciam Tuscie pregraveret, una dierum pauperum multitudine circumdatus ad orrea bladi accessit et tota die suis dare manibus habundanter petentibus non neglexit. Perturbati monaci extimantes, quod eis nil ad vivendum penitus remansisset, nullo tamen modo dubietatem et dolorem monstrantes sero ad orrea frumenti accesserunt et usque ad summum ipsa plenissima invenerunt. Qui deum laudantes quomodocumque faceret cum pauperibus de sua indigentia nullatenus dubitare casu aliquo potuerunt.

Andr. Strum.

§ 37

23. Una die omnibus victualibus pauperibus distributis vitulum coquere fecit et fratribus ad edendum in refectorio apponi precepit. De quo cum nullus omnino comederet, ad celum oculos erexit et parvula mora contracta fratres dulcibus verbis ad patientiam confortavit⁵⁴. Subito porta concutitur, ad quam portarius porrexit, adolescentem pulcherrimum unam tobaleam plenam panibus candidissimis recentibus repperit. Sumpsit, ad sanctum in refectorium tulit et pre festinancia et gaudio quis miserit non quesivit. Sanctus vero deo gratias reddidit, apponi iussit. Ad portam portarius revertens, ut redderet tobaleam et de mictente peteret, deferentem penitus non invenit.

Sequenti vero mane cellerarium vocavit, ut iret ad portam recompensurus sibi missum enxenium, concito imperavit. Qui illuc porrexit et XL modios farine pulcherrime ibi positos invenit, sancto dixit. Deo gratias redditis fratres advocavit et eos ne dubitarent decetero de pauperitate sermone pulcherrimo confortavit.

24. Si vis plura miracula, vadde ad integram et ibi repperies pro libito voluntatis.

Andr. Strum.

§ 79f.

25. Vir dei obitum suum imminere prenoscens ad monasterium suum de Pasignano^o porrexit, pro abbatibus sui ordinis direxit, causam expressit, et eis ordinem affectione maxima commendavit. Et sua benedictione dato cuilibet pacis osculo, ut ad sua redirent cenobia, multis profusis^p lacrimis imperavit et^q cuilibet abbati dedit litteras, quibus monacis omnibus ordinis observanciam commendat et, ceu esset in presentia^r eorum^r, cuique suam benedictionem affectione ineffabili relinquebat.

o) Pasignano.

p) profusus.

q) *auf Rasur*.

r) presentiarum.

⁵⁴) Vgl. Regula S. Benedicti (CSEL 75) c. 39, 11: *Carnium vero quadripedum omnimodo ab omnibus abstineatur comestio preter omnino deviles egrotos.*